

PODACI O PROJEKTU

Starenje i zdravlje - Prva faza projekta za poboljšanje uslova života ljudi u odrasloj dobi

Bosna i Hercegovina – juni 2024. godine



Schweizerische Eidgenossenschaft
Confédération suisse
Confederazione Svizzera
Confederaziun svizra

Ambasada Švicarske u Bosni i Hercegovini



KAKO DOSTOJANSTVENO I ZDRAVIJE STARITI U BIH?

HUMANOST KROZ BRIGU O STARIMA I NEMOĆNIMA

Briga o starim, bolesnim i iznemoglim licima, bitno je mjerilo humanosti jednog društva.

Prema demografskim trendovima, stanovništvo Bosne i Hercegovine je sve starije. Podaci UN-a govore da će do 2060. godine više od 30% ukupne populacije u BiH činiti osobe starije od 65 godina, što je znatno više od 17% koliko je iznosio udio starih osoba u BiH u 2019. godini.

I razvijene evropske zemlje takođe bilježe trend ubrzanog starenja populacije, međutim ono što njih bitno razlikuje od BiH su bolje socijalne usluge, briga i njega starih lica.

Nepovoljne socio-ekonomske prilike, složena struktura vlasti, visoka stopa nezaposlenosti, ali i posljedice COVID 19 pandemije, dodatno otežavaju položaj starijih ljudi u BiH. Podaci iz 2017. godine govore da je u BiH siromašna svaka četvrta osoba koja živi sama i ima više od 65 godina, a siromaštvom su posebno pogođene starije žene.

Projekat *Starenje i zdravlje*, koji implementira Švicarski crveni križ ima za cilj da dodatno ojača kapacitete Društva Crvenog križa/krsta BiH, ali i lokalnih zajednica u RS i FBiH, kako bi se stvorilo bolje, zdravije i stimulativnije okruženje koje će pozitivno uticati na život i zdravlje starijih ljudi u BiH.

U nastojanjima da poboljša uslove života ove izuzetno ranjive kategorije stanovništva, Švicarski Crveni križ više od osam godina podržava Društvo Crvenog krsta/križa BiH u oblasti kućne njege starijih i nemoćnih lica.

Starenje i zdravlje I se temelji na ranijim uspješnim švicarskim humanitarnim inicijativama, a u potpunosti je komplementaran i sa Razvojnim ciljevima Ujedinjenih nacija (SDGs).

Projekat se trenutno implementira u Tuzli, Lukavcu, Živinicama, Žepču, Šamcu, Doboju, Foči, Kalesiji, Prnjavoru i Brčko Distriktu.

Projekat je komplementaran uslugama zdravstvenog sistema u BiH i radi na poboljšanju javnih politika o zdravom starenju. Pored pružanja usluga individualne njege i pomoci u kući na opštinskom nivou, Društvo CK BiH i njegove entitetske organizacije sa sjedištem u Sarajevu i Palama, zalagaće se za standardizaciju pružanja usluga na nivou entiteta u RS, na kantonalnom nivou u FBiH i na nivou Brčko Distrikta.

KOME JE NAMIJENJEN PROJEKAT?

Projekat osnažuje starije osobe, njihove porodice, ali i pomoćno medicinsko osoblje, osoblje organizacija Crvenog krsta/križa, kao i općenito bh. lokalne zajednice. Ova važna inicijativa doprinosi poboljšanju uslova života i rada za oko 11 000 korisnika u BiH.

Unapređenje zdravlja i života ljudi treće dobi obuhvata dvije grupe ljudi. Sa jedne strane, to su nemoćne osobe oba pola starije od 65 godina, kojima će biti pružena neophodna kućna njega. Ali, u projektu učestvuju i stariji ljudi dobrog zdravstvenog stanja, koji svojim entuzijazmom i iskustvom žele da aktivno doprinesu kvalitetnijem životu u svojim lokalnim zajednicama.

Ambasada Švicarske u Bosni i Hercegovini

Zmaja od Bosne 11, Zgrada RBBH, objekt B, BiH-71000 Sarajevo

Tel. +387 33 27 58 50, +387 33 25 40 30, Fax +387 33 57 01 20

E-Mail: sarajevo@eda.admin.ch

www.eda.admin.ch/bosnia-and-herzegovina

Projektna inicijativa pružiće direktnu podršku sljedećim kategorijama stanovništva:

- 1.500 starih i/ili hronično bolesnih ljudi kojima su potrebne usluge kućne njege
- 1.000 članova porodica klijenata koji koriste usluge kućne njege
- 2.000 starih ljudi koji aktivno doprinose stvaranju stimulativnog i motivišućeg okruženja za zdravo starenje
- 6.000 ljudi u njihovom okruženju koji takođe osjećaju benefite ovih aktivnosti

Takođe, projekat bitno utiče na jačanje kapaciteta zdravstvenih i administrativnih radnika i to:

- 65 njegovatelja angažovanih u pružanju usluga kućne njege pri Društvu CK BiH
- 50 neformalnih negovatelja/članova porodice korisnika usluga DCKBiH
- 140 njegovatelja koji će završiti profesionalnu obuku
- Nemedicinsko osoblje u Crvenom krstu/križu
- Administrativna podrška projektu u opštinama

CILJEVI I REZULTATI

Dugoročni cilj projekta je **poboljšanje zdravlja, uslova života i dobrobiti starijih osoba u BiH kroz tri ključna segmenta:**

(I) Pružanje usluga kućne njege za stara lica i hronične bolesnike u najmanje 10 opština u BiH

(II) Starije osobe se aktivno uključuju i doprinose stvaranju "age-friendly" lokalnih zajednica

(III) Ojačani kapaciteti Društva Crvenog krsta/križa BiH, kao ključnog nosioca promjena u oblasti starenja i zdravlja

ZAŠTO JE VAŽNO NASTAVITI ULAGATI U KVALITET ŽIVOTA LJUDI U TREĆOJ DOBI?

Ideja koja stoji iza nastavka projekta preventivno leži u potrebama starijih osoba za dostojanstvenim životom, pristupom njezi, zdravstvenim uslugama i aktivnom starenju.

Sa druge strane, zasnovana je na povećanju strateških kapaciteta Društva Crvenog križa/krsta BiH za rješavanje potreba starijih osoba u zemlji.

Projektne aktivnosti će omogućiti stvaranje održivog modela njege za starije osobe i njihov duži ostanak kod kuće uz kvalitetnu njegu, ali i aktivno stvaranje boljeg društvenog života.

SAŽETAK PROJEKTA:

NAZIV:

Starenje i zdravlje

DOMENA:

Zdravstvena zaštita

ZEMLJA / REGIJA:

Bosna i Hercegovina

PARTNERI:

Društvo Crvenog krsta/križa BiH

Crveni križ Federacije BiH

Crveni krst Republike Srpske

Oštinske organizacije Crvenog krsta/križa

Lokalne vlasti

POLAZNA TAČKA / POZADINA:

Podaci govore da veliki dio penzionerske populacije u BiH živi na ivici siromaštva što bitno utiče na njihovo zdravlje i kvalitet života. Stari ljudi su posebno osjetljiva skupina (naročito oni koji žive sami bez brige porodice) i bh. društvo treba da uloži značajne napore kako bi im se omogućila adekvatna kućna njega i pristup zdravstvenim uslugama.

CILJ PROJEKTA:

Poboljšanje opšteg zdravstvenog stanja i kvaliteta života starijih ljudi u BiH

CILJNA GRUPA:

Preko 11 000 direktnih korisnika što uključuje stare ljude, članove njihovih porodica, njegovateljice i njegovatelje

BUDŽET:

3.000.000 CHF (SDC i SRC)

TRAJANJE:

15.12.2020- 30.04.2025. godine (faza 1)

Zajedno ubrzavamo napredak



eda.admin.ch/sarajevo



[SwissEmbassySarajevo](https://www.facebook.com/SwissEmbassySarajevo)



[SwissEmbassySarajevo](https://www.instagram.com/SwissEmbassySarajevo)



[SwissEmbassySarajevo](https://www.youtube.com/SwissEmbassySarajevo)



[SvicarskauBiH.ba](https://www.svicarskauBiH.ba)